

鞏縣志卷二

邑人 劉蓮青 纂輯

張仲友

邑人 劉鎮華 鑒定

邑人 劉鎮海 參閱

固始 萬自逸 讐校

輿地志

沿革 疆域  
山川

鞏非大縣而去洛陽近自來建洛為都則鞏實為東道  
搯塞之要然疆域併析迭更置縣當周甫亡而秦未號  
皇帝之時斯其為名最古後漢省西京之平晉省偃師  
則平與偃師之地有宜入鞏者後齊廢鞏其時偃師未

鞏縣志卷一

輿地 沿革

經川圖書館刊

復則鞏之地有宜入宜遷河陰者宋割偃師鞏之地而  
立永安又省緱氏則緱氏之地有宜入永安者元廢芝  
田并入於鞏鞏之疆域蓋至明始定自明以前其分合  
之由文字湮滅第足舉其大都而未易覩縷村落保里  
戶口於今能詳而於古有其蹟可尋者亦不得而廢山  
則南北相峙而河洛交匯於其間亦千古談搯塞之區  
之著有聲稱者也志輿地

沿革

唐屬豫州

虞屬豫州

夏屬豫州有斟鄩

己酉志引竹書紀年帝太康卽位居斟鄩畋於洛表羿入居斟鄩帝仲康卽位居斟鄩徐箋按前漢書臣瓚註曰斟鄩在河南汲郡古文太康居斟鄩又左傳郊尋註河南鞏縣有地名鄩中括地志故鄩地在洛州西南五十八里又曰於周又爲鄩羅之邑其後或以鄩名或以羅名實一地也于今爲羅莊在鞏西南五十里按謂爲鄩羅之邑其說實本於水經注水經注曰洛水又東北歷鄩中水南謂之南鄩亦曰上鄩也逕訾城西司馬彪所謂訾聚也而鄩水注之鄩水又東南於訾城西北東

入洛水洛水又東逕訾城北又東羅水注之水出方羅川西北流蒲池水注之水出南蒲陂西北流合羅水謂之長羅川亦曰羅中也蓋胖子鄩羅之宿居故川得其名耳循酈之說洛水逕訾城西而鄩水注之洛水又東逕訾城北又東羅水注之謂爲一地恐未然也己酉志鞏在夏時爲夏伯國引名勝志鄩城在鞏縣西南禹封夏伯於此又爲陽無固引史記武王問周公曰自洛汭延於伊汭居陽無固其有夏之居又引河南府志周書所謂陽無固者鄩城別名也其城正在洛汭伊汭之間或以陽無固爲登封陽城陽城在嵩高南洛汭伊汭俱

在嵩高北何得以陽無固爲陽城蓋陽城亦在鄆城封  
內故禹避舜之子於陽城示欲守舊封之意竹書舜命  
夏后有事於太室太室鄆山鎮也在禹封內故主其祀  
迨武周營洛諄諄無遠天室者其亦徵諸鄆城歟己西  
志又夏爲有洛氏國引尙書五子之歌太康畋於有洛  
之表汲冢周書有洛氏宮室無常池囿廣大工功日進  
以後更前民不得休農失其時饑饉無食成湯伐之有  
洛以亡又引河南府志太康居斟鄩畋於有洛則有洛  
國當近鄆城解經者皆言洛表爲洛水之濱不知有洛  
實國名也有洛見於夏初而亡於成湯蓋於夏祚相終

始矣按國語韋昭注曰禹都陽城伊洛所近史記集解  
徐廣曰夏居河南初在陽城後居陽翟正義引帝王世  
紀云禹封夏伯今河南陽翟是漢書地理志陽城陽翟  
皆屬潁川郡是與鄆城無涉居陽無固在汲冢周書度  
邑解史記則作居易無固索隱云言自洛汭及伊汭其  
地平易無險固是有夏之舊居則史記確爲易字明甚  
如以陽字卽陽城陽翟何得指爲鞏地李旣誤周書以  
爲史記施府志旣謂陽無固非陽城而又謂爲鄆城別  
名有洛氏見汲冢周書史記解然畋於有洛之表卽僞  
孔傳亦祇言洛水之表水之南而不言國施府志謂有

洛國當近鄆城皆爲想像之詞毫無所據

商屬豫州

周爲鞏伯國

己酉志引水經注鞏故城東周所居本周之畿內鞏伯國也山河兩戒考註昭二十二年子朝奔京鞏簡公敗績於京杜註周卿士今鞏縣西南三十里有故鞏城方輿紀要左傳昭二十六年晉師克鞏逐王子朝爾雅曰鞏固也四面有河山之固也又引河南府志按鞏伯之封當在周初鞏簡公其後也爲王卿士在東周子朝之亂時又左傳闕鞏之甲武所以克商也路史闕鞏國也是武周以前已有鞏國之封矣

按杜注闕鞏國所出鎧闕鞏二字相連爲國名非卽鞏地故續漢郡國志鞏下劉昭注曰鞏伯國未嘗及闕鞏顯王二年西周惠公封少子班於鞏以奉王號東周己酉志引史記考王封其弟於河南是爲桓公以續周公之官職桓公卒子威公代立威公卒子惠公代立乃封少子於鞏以奉王號東周惠公也名勝志顯王二年西周惠公封少子班於鞏以奉王號東周河南府志按東周之封在顯王二年而前府續志載考王十有五年西周公封少子云云前後相隔且百年是又讀史公周本紀

而誤者也周本紀曰考王封其弟於河南是爲桓公以續周公之官職桓公卒子威公代立威公卒子惠公代立乃封其少子於鞏以奉王號東周惠公史記本究考王封桓之始末而言之而自桓及惠已至顯王之世矣何得爲考王時已有東周公之封也

按河南府志謂東周之封在顯王二年何得爲考王時是本之史記正義所引郭緣生述征記班封鞏史記周本紀不言何王何年而六國表顯王九年集解徐廣曰紀年東周惠公傑薨傑應卽班則爲顯王時所封自可憑信

秦莊襄王元年滅東周武公韓獻鞏始置縣屬三川郡

己酉志戰國時半屬韓戰國策蘇秦說韓王韓有鞏洛之險史記莊襄元年蒙驁伐韓韓獻成臯鞏按左襄二  
年孟獻子請城虎牢以偪鄭杜註虎牢舊鄭地今屬晉  
十三年諸侯之師戍虎牢晉師城梧及制杜註梧制皆  
舊鄭地晉並取之不獨虎牢曰將歸竟未歸也則虎牢  
以西至鞏伯封界自襄王以後皆屬晉矣昭二十六年  
晉師納王知躒趙鞅首克鞏召伯遂逐子朝迎王晉師  
從已地入也其後韓分晉地鞏地遂半屬韓與東周君  
分鞏而治東周旣滅其所保七縣皆爲秦所有韓之鞏  
是年亦歸秦矣

按虎牢梧制於鞏無涉可不必論左傳於昭公二十五年書尹文公涉于鞏焚東訾弗克是時鞏爲子朝邑二十六年書晉師克鞏謂爲敬王克子朝之邑也又書晉師使成公班戍周而還又於三十二年書王使富辛與石張如晉請城成周范獻子謂魏獻子曰與其戍周不如城之迨定公元年城畢歸諸侯之戍晉固未嘗據鞏又於二年書鞏氏之羣子弟賊簡公則鞏固爲周邑謂韓分晉地鞏地遂半屬韓晉實未有鞏地何得分地而半屬韓也謂蘇秦說韓有鞏洛之險爲韓半得鞏之證此本於史記索隱二邑本屬東周後爲韓邑之說無論

說士一時之言不根事實蘇代之約燕昭王稱秦正告韓曰我離兩周而觸鄭蘇秦說韓宣惠王在周顯王時燕昭王破齊在赧王三十一年若顯王時韓有鞏洛是東周久併於韓韓不僅得鞏之半何以相距多年蘇代尙稱離兩周觸鄭徐廣曰周比亡時凡七縣河南洛陽穀城平陰偃師鞏緱氏是周之亡時鞏尙爲東周完邑可信故正義於韓獻成臯鞏爲秦滅東周韓亦得其地又獻於秦且六國表是年於秦則曰蒙驚取成臯滎陽於韓則曰秦拔我成臯滎陽韓世家亦同特韓獻鞏旣書於秦本紀則不得謂爲無據是韓雖有鞏亦無幾時

決不能當宣惠王時已有鞏洛漢書地理志於漢所置縣必書某帝某年置於秦縣則否鞏下固不書漢置莊襄王滅周得鞏後卽置三川郡則鞏固秦縣

漢屬河南郡

漢書地理志河南郡故秦三川郡高帝更名莽曰保忠信卿屬司隸也

後漢屬河南尹

續漢百官志河南尹司隸所部

魏屬河南尹

洪亮吉補三國疆域識河南尹屬司州

晉屬河南尹

晉書地理志河南郡屬司州

按晉書地理志無偃師太平寰宇記謂偃師至晉始并入洛陽然杜預注左傳尸氏謂在鞏縣西南偃師城晉實分偃師入洛鞏也至隋開皇十六年復置偃師則自晉以至東魏鞏之境域爲廣魏書地形志河南郡後漢晉爲尹後罷司馬德宗置是江右時固爲尹江左安帝時乃名爲郡晉書特就最後者言之故職官志曰河南郡京師所在則曰尹也

洪亮吉十六國疆域前趙鞏屬河南郡郡屬荊州後趙

鞏屬河南郡郡屬司州後屬洛州前燕鞏屬河南郡郡屬洛州前秦鞏屬河南郡郡屬豫州後燕鞏屬河南郡郡屬豫州後秦鞏屬河南郡郡屬豫州

安帝義熙十二年屬河南郡

宋書州郡志司州刺史晉江左以來淪沒戎寇雖永和太元王化暫及太和隆安還復湮沒武帝北平關洛河南底定置司州刺史治虎牢領河南郡河南領鞏

宋屬河南郡

宋書州郡志少帝景平初司州復沒北虜

後魏屬滎陽郡東魏屬成臯郡

按魏書地形志成臯郡天平元年分滎陽置鞏天平初屬是自泰常八年克宋司州之後鞏卽屬滎陽至東魏天平始改屬成臯於志二郡皆屬北豫州

北齊廢

隋屬河南郡

隋書地理志後齊廢開皇十六年復河南郡舊置洛州大業元年改曰豫州三年改爲郡

按鞏至開皇時復故後周無鞏隋州不領郡大業三年以前逕屬於州三年以後則屬於郡

唐屬河南府



唐書地理志河南府河南郡本洛州開元元年爲府屬  
河南道

### 五代屬河南府

按舊五代史郡縣志五代史職方考皆於縣之視唐而  
改隸他州者乃書鞏不書蓋緣唐之故可知郡縣志本  
之開元十道圖而曰河南道西京河南府職方考不言  
十道而曰洛陽梁爲西都後唐爲洛京晉爲西京漢周  
因之是時十道旣不屬於一國則職方考之不言道者  
爲是五代旣於洛陽置尹置留守則郡縣志之書府者  
爲是己酉志遺去五代故補之朱全忠雖於唐末請改  
隸河陽疑未幾而復故也

### 宋屬河南府

宋書地理志河南府屬京西北路又永安縣木陵寢景  
德四年升鎮爲縣  
按景德四年割鞏偃師二縣地爲永安縣訾店以南無  
復鞏有同時汜水縣改爲行慶關其地半屬鞏東境又  
政和三年升永安縣爲永安軍端平元年史嵩之露布  
遣郭春詣奉先縣汛掃祖宗諸陵永安軍奉先縣皆不  
見地理志疑升縣爲軍之時縣與軍不得同名故囚奉  
先橋而改爲奉先縣嵩之上露布時金已亡金改永安

爲芝田其名非宋人所願聞故猶稱徽宗時所改之名  
與地理志蓋多疏漏

### 金屬金昌府

金史地理志河南府貞定元年曰金昌又芝田縣宋名  
永安貞元元年更

按太宗天會八年建齊國鞏永安皆屬齊至熙宗天會  
十五年廢齊還屬金據金史地理志芝田有轅轅山青  
龍山鞏僅有侯山九山黃河洛水

### 元屬河南府路

元史地理志河南府路屬河南江北等處行中書省己

西志元廢芝田入鞏縣又改鞏縣爲軍州萬戶府

按元廢芝田爲鎮併入鞏而鞏幾有宋永安全境惟訾  
王山會聖宮屬偃師至正二十年改鞏縣爲軍州萬戶  
府招民屯種未久旋廢

### 明屬河南布政使司河南府

明史地理志河南府屬河南布政使司鞏在府東北其  
西南有轅轅山上有關北濱河西北有洛水舊經縣北  
入河謂之洛汭亦曰洛口有鄆水亦曰鄆口東南有石  
子河西南有長羅川又有黑石渡巡檢司

### 清屬河南布政使司河南府

清一統志河南府屬河南省鞏在府東一百二十里東  
西距五十五里南北距八十五里與明制同

民國屬河南省河洛道

民國二年設豫西觀察使鞏隸豫西道河南府五年廢  
府存道隸河洛道嗣以內爭不息道區改廢靡常據今  
地圖南分登封轅轅之東有霍山口北入溫孟黃河界  
西出黑石關爲偃師與清無變更

疆域

縣城東至汜水界三十里城五十里西至偃師界三十  
里城六十里南至登封粵嶺界八十里城一百二十里

北至溫縣黃河界二十里城二十五里東南至滎陽密  
縣五枝嶺界八十里西北至孟津界七十里孟縣黃河  
界三十五里廣一百里袤一百二十里

按縣城初因東周之舊在洛水西卽今之康店魏晉間  
移在洛水南隋末李密再移縣城於洛口密敗仍復舊  
鞏屬下邑境域褊小而四面鄰縣有八惟滎陽接壤處  
甚少

附 四鄰界碑

偃師縣交界碑

在桃溝口西南二十步大路西碑高三尺餘寬一尺六

寸厚四寸中書偃師縣交界碑六字字徑四寸五分右  
注光緒二十七年月日土埋未詳

### 風門鞏縣交界碑

石高一尺八寸廣八寸五分厚六寸在半箇店東中書  
五大字曰鞏縣交界碑左注五字曰至城五十里右注  
五字曰同治壬寅立路南山旁又有沙石刻字中書四  
字曰汜水縣地左注東至汜水西南至鞏縣九字右注  
順治十六年丈過七字石高一尺二寸廣一尺厚五寸  
與上碑相距二丈六尺許

### 虎林關鞏邑交界碑

石高三尺寬一尺厚五六寸紅質石在關上坡一里許  
斜十字口仆中刻鞏縣交界石五字西卽汜水方頂村  
北坡下係汜水方寨河村

### 霍山口汜西界木記

木四楞形出地三尺寬三寸許厚二寸在米河東南半  
里許上書汜水縣第三分區霍河鄉西界十二字土人  
謂原交界石埋地下木係新立

### 明月庵鞏縣交界碑

碑高二尺二寸寬一尺一寸厚二寸五分在縣東明月  
庵村中書鞏縣交界碑五字左注東至汜水四字右注

西至鞏縣四字

南水頭汜鞏交界碑

在縣東南水頭村東書汜鞏交界碑五字

偃師縣交界碑

在徐柏坡村南半里許路東碑高三尺厚三寸寬一尺  
二寸清同治十一年二月十二日三柏坡全立

山川

南山

鞏南山之首曰轘轅山

明史地理志鞏縣西南有轘轅山上有關方輿紀要轘

轘山在鞏縣西南九十里其坂有十二曲將去復還故名

己酉志曰後漢地理志以轘轅屬偃師晉地理志以轘轅屬登封惟明史及方輿紀要以爲屬鞏縣蓋轘轅有古今兩道今道易在西隸偃古道險在東隸鞏兩道交處隸登封山傍古道則全入鞏

按續漢郡國志轘轅關惟杜預左傳注轘轅關在緱氏縣東南是晉初固如漢登封乃以唐武氏號周時之萬歲登封元年始以隋嵩陽而更名晉時烏得有登封轘轅關故屬緱氏宋熙寧八年省緱氏入偃師在立永安

之後轅轅關在緱氏東南是與永安鄰故金史地理志  
轅轅關屬芝田至元省芝田地復分入偃師鞏故明史  
地理志轅轅關在鞏西南與在緱氏東南適合是宋熙  
寧八年後轅轅關即改入永安矣

轅轅東十里曰講山

山海經講山其上多玉多柘多柏有木焉名曰帝屋河  
南府志講山西接轅轅東走浮戲南與太室隔深澗俗  
呼瓦功川北下有洞俗呼百葉洞節錄己酉志  
講山西北十里曰九山

水經注九山孤峯秀出嵯嶢分立仲長統曰昔密有卜

成者身遊九山之上放心不拘之境謂是山也山際有  
九山廟廟前有碑云九顯靈府君者太華之元子陽九  
列名號曰九山府君也南據嵩岳北帶洛澗

己酉志曰九山廟碑金石攷以爲在登封據府志九山  
今名白雲山在鞏縣西南七十里有舊山廟坡蓋九舊  
音轉也更以碑文推之南據嵩岳北帶洛澗若在登封  
則與洛澗尚隔數山未確又九山東有嶺曰搖嶺舊志  
以爲宋置鐵冶於此九山西北有亳邱晉嵇含隱處直  
偃師西亳南殷人圓邱今爲鞏六莊九山抵洛澗爲鄆

城今羅莊

講山北迤西十里曰牛山

盧元明嵩高記太室後有小山名牛山其中多杏

己酉志曰講山北嬰梁山北與霍山接體而牛山不見

山海經府志雖疑即牛首而未嘗確指故但收嵩高記

牛山而嬰梁則次霍山下

講山東十五里接開封界曰浮戲山

即方山府志一名五至山己酉志曰舊縣

志一名五枝嶺

山海經浮戲之山有木焉葉狀如樗而實赤名曰亢木

食之不蠱汜水出焉而北流注於河其東有谷名蛇谷

上多少辛水經注羅水出方山

洛水注

方山即山海經所

謂浮戲之山也

洧水注

河南府志汜水出浮戲東麓羅水

出浮戲西麓按鞏西南山西界休水東北界羅水其中

但有講山等四山餘則連體浮戲綿亘鞏地大半

節錄己酉

志

浮戲北二十里曰霍山一名天陵山亦曰東西青龍山

山海經註今平陽永安縣廬江灤縣晉安羅江縣河南

鞏縣皆有霍山爾雅大山繞小山為霍方輿紀要青龍

山在鞏縣南四十里以在宋陵東得名河南府志浮戲

北有雙峯高峙俗呼盤龍雙尖西北為西青龍與東青

龍異山合體中有慈雲寺寺前龍潭北流為石子河西

青龍有石人峯登峯見山脊環繞如高墉中列數十峯皆攢秀獻奇於足下所謂大山繞小山爲霍也西卸北走爲小青龍山盡處爲牛頭山真宗陵在其後徐仁旺與丁謂所爭牛頭山前後卽此非太祖太宗陵南之牛山宋史禮志又謂之卧龍岡在永安縣東北六里岡北下有仁宗英宗陵東青龍北下爲鞏縣治治西北爲龍尾山天陵山見隋書地理志太平寰宇記名天渡山在縣南六十里潘岳家風詩所云天陵巖謂此也文選潘岳河陽詩注天陵詩序曰岳屏居天陵東山下節錄己西志

霍山西南五里曰嬰梁山

山海經講山北三十里曰嬰梁之山上多蒼玉錔于玄石錔于樂器形似椎頭河南府志嬰梁在講山北牛山東與牛山中夾羅水水出峽處謂之羅口節錄己西志

霍山西北十五里抵洛水曰黑石山

方輿紀要黑石山在鞏縣西南二十五里下爲洛水津

濟處節錄己西志

霍山東北二十里曰龍尾山

方輿紀要青龍山尾接洛水者曰龍尾山在鞏縣西三里己西志曰龍尾繞縣西南特起一峯色類紫金曰紫金山稍東又一峯曰虎頭山順治初邑令吳三仁改虎



頭爲南極山

霍山東北三十里曰伏兒山

舊縣志伏兒山在縣東南三十里古無此名據己酉志纂

伏兒西北五里曰侯山

廬元明侯山記漢有王元者隱於此山

己酉志曰侯山西北有青堆山其山四時蒼翠故名見舊志

侯山北橫抵成皋三十里曰橫嶺

方輿紀要橫嶺鞏縣東四十里接汜水界卽李密據輿洛倉伏兵處己酉志曰按橫嶺雖非高山大阜東西橫

拖如長虹自鞏至汜長三十里北多山凹李密伏兵處卽此西南有崎嶇道通成皋道傍爲百花谷絕壑深澗亦險要之地

浮戲東迤北二十里曰石城山山半以北又曰趙封山

水經注石城水出石城山其山複澗重嶺欹疊若城山頂泉流瀑布懸瀉下有濫泉東流洩注邊有數十石畦畦有野蔬巖側石窟數口隱跡存焉而不知誰所經始也又東北流入於汜水河南府志鞏東有老廟山卽石城山河南通志趙封山在鞏縣東南宋種茶於此封固其地故名己酉志曰石城趙封本一山但石城南半皆

石崖峭壁不可種茶趙所封者在小龍池二天門外北麓二十餘里皆沃土宜茶今石碑尚存卽茶樹猶有生者土人採之曰趙家茶山口一村落名茶店據此則石城山半以北爲趙封而道元所謂石畦石窟皆傍水繞趙封也

### 北山

鞏北山接偃師界至鞏縣故城東北曰小平山一曰崆崆邱己酉志引張平子東京賦王鮪岫居薛綜注山有穴曰岫王鮪魚名由南方來出此穴中入河水見日目眩浮水上流行七八十里釣人見之取之以獻天子用祭

其穴在河南小平山按以爲郡國志小平城漢縣廢址在今鞏縣西北有河津曰小平津所謂小平山者當以故城得名又引水經注鞏縣北有山臨城謂之崆崆邱其下有穴謂之鞏穴言潛通淮浦北達於河直穴有渚謂之鮪渚爾雅邢疏河南鞏縣東北崖二山腹有穴舊注云此穴與江湖通鮪從此穴而來北入河西上龍門入漆沮方輿紀要崆崆邱在今鞏縣西北三十里按以爲文選薛注水經酈注言王鮪穴居相類則小平崆崆宜爲一山據爾雅疏二山腹有穴似鞏穴在二山之間不得以崆崆邱小平山爲一山不知爾雅疏本作東北

崖二山腹有穴古文二作下乃崖下山腹也蓋鞏故城  
在山上故目山穴爲崖下而穴腹入山腹中若作二山  
解不唯崖字無着而亦無二山同腹之理

按己酉志謂小平峯嶺宜爲一山極諦惟引爾雅邢疏  
東北崖二山腹有穴之句謂古文二宜作下乃崖下山  
腹將以證明峯嶺邱小平山實爲一山因水經注其下  
有穴之語附會古文以爲宜然邢疏實作東北崖上山  
腹有穴二爲古文上字不能作下故阮氏校勘記謂注  
疏本上誤二也

小平山東北十五里曰大力山

石窟寺石刻宋西京鞏縣大力山淨土寺又金鞏縣大

山石窟十方淨土禪師

己酉志

大力山東迤北五里抵洛汭曰神尾山

方輿紀要神尾山在鞏縣北宋元豐初都水丞范子淵  
議引洛入汭處河南府志神尾山爲邙山盡處曰神尾  
者神都山之尾也按邙山入鞏東西僅三十餘里隨地  
異名得三山焉又按古尺短於今尺古尺當今尺六寸  
古六尺爲步今五尺爲步古三百步爲里今三百六十  
步爲里以古準今則古百當今六十里志中紀山里數  
俱以今里計前嬰梁山引山海經講山北三十里曰嬰

梁之山今以嬰梁屬霍山下與講山中隔羅水相去不及二十里與古三十里正合附紀於此

己酉志

河水

河水東過孟津入鞏縣界爲小平津

章懷後漢書注曰小平津在今鞏縣西北

按水經注河水又東逕平縣故城北王莽之所謂治平矣俗謂之小平也胡三省資治通鑑注小平津在河南平縣北蓋本之水經注又引賢曰在今鞏縣西北蓋謂平旣廢後則屬鞏己酉志謂名勝志引郡國志云郡國志實無小平津之文小平津乃在靈帝紀也

鞏縣志卷一

輿地 山川

二十

經川圖書館刊

又東過鞏縣故城北右得鮪水

薛綜東京賦注曰王鮪魚名也居山穴中其穴在河南小平山水經注縣北有山臨河謂之崆嶺邱其下有穴謂之鞏穴直穴有渚謂之鮪渚故河自鮪穴以上又兼鮪稱河南府志鮪渚今已湮塞而河水舊兼鮪水之稱

故著之

據己酉志纂

又東爲五社津

水經又東過鞏縣北注河水於此有五社渡爲五社津方輿紀要五社津在鞏縣北五里大河東過鞏謂之鞏

河 據己酉志纂

又東過神尾山洛水自西南來東北流注之謂之洛汭  
水經注洛水於鞏縣東逕洛汭北對琅邪渚入於河謂  
之洛口自縣西來而北流注河清濁異流皦焉殊別明  
史地理志洛水舊經鞏縣北入河謂之洛汭亦曰洛口  
嘉靖後東過汜水縣入河河南府志明史謂洛水過汜  
水縣入河者嘉靖後大河北徙去洛口遠故洛水又東  
流乃入河其地亦名洛汭卽什谷也節錄己酉志  
按什谷口見續漢郡國志所引而史記張儀傳作斜谷  
之口集解徐廣曰一作尋成皋鞏縣有尋口索隱尋斜  
聲相近故其名惑也戰國策作轅轅緱氏之口亦其地  
相近也斜谷地名今大河復南徙齧邨麓行洛水入河  
處在神尾山下

又東過洛口柳泉水自柳橋出北流注之

河南通志柳橋在鞏縣東舊志柳泉在金溝正南按柳  
泉水卽洛口東金溝村所出之水也以泉畔多柳得名  
泉在金溝南五里許有村曰柳源村己酉志  
又東過成皋入汜水界石城水合汜北流注之

石城水俗名玉仙河流二十餘里入汜水界北流至成  
皋東入河故於汜界終記之己酉志

洛水

洛水東過偃師縣城南與鞏縣分水休水北流注之

水經注休水導源少室山西流逕穴山南而北與少室山水合水出少室北溪西南流注休水休水又左會南溪水發大穴南山北流入休水休水又西南北屈潛流地下其故瀆北屈出峽謂之大穴口北歷覆釜堆東蓋以物象名矣又東屈零星隰水流潛通重源又發緱氏原側開山圖謂之緱氏山休水又逕延壽城南緱氏縣治故滑費休水又西轉北屈逕其城西又北流注於洛水河南府志酈注謂休水導源少室逕穴山南穴山者今黃鹿岡也休水又左會南溪水發大穴南山大穴南

山者今偃師夾溝南山也至謂潛流地下故瀆出峽歷覆釜堆東屈零星隰水流潛通重源又發今亦不然蓋澗底多罅隙水流時有斷續道元據爾時所見言之非

休水有重源也

己酉志

又東歷鄆中

水經注洛水東北歷鄆中水謂之南鄆亦曰上鄆逕訾城西司馬彪所謂訾聚也而鄆水注之水出北山鄆谿其水南流世謂之溫泉水鄆水又東南於訾城西北東入洛水故京相璠曰今鞏洛渡北有鄆谷水東入洛謂之下鄆亦謂之北鄆又有鄆城蓋周大夫鄆肸之舊邑

河南府志上鄆今羅莊以鄆胖子羅得名也下鄆今孫家灣卽鄆灣南北夾岸實一地今上鄆隸鞏下鄆隸偃

師己酉志

又東爲訾店渡

玉海景德四年二月西京新造訾店渡橋癸酉賜名奉

先節錄己酉志

又東北過訾城北羅水自東南來西北流注之

水經注羅水出方山西北流逕袁公塢北又西北逕潘

岳子父墓又於訾城東北入洛節錄己酉志

本名羅川一稱長羅川采訪

按羅水卽核桃園水在鞏爲巨浸容納細流頗多岸線亦長酈氏水經注施氏河南府志考核精確詳後入羅諸水篇

又東明谿泉水北流注之

水經注洛水又東明樂泉注之水出南原下五泉並導

故世謂之五道泉卽古明谿泉也節錄己酉志

按明谿泉卽稍柴務水土人多植蓮故又名君子泉明樂名稱今不著

又東北爲黑石渡

明史地理志鞏縣西南有黑石渡方輿紀要黑石渡在

鞏縣西南二十五里爲洛水津渡處

節錄己酉志

又東北潢水自東南來西流注之

杜預春秋注河南鞏縣西南有黃亭續漢郡國志有黃亭有湟水劉昭注左傳昭二十三年王子猛居于湟杜預曰有黃亭在縣西北水經注洛水又東濁水注之卽古湟水也水出南原京相璠曰訾城北三里有黃亭卽此亭也春秋所謂次于黃亭者也

按己酉志作黃水自東南來引春秋大事表昭二十二年王猛居于皇杜註河南鞏縣西南有黃亭按後漢志湟水卽皇也水經注洛水合於谿泉又東濁水注之卽

古黃水京相璠曰黃亭在訾城北三里今在鞏縣西北河南府志湟水卽和義溝水入洛處在故鞏城上水經注次湟水於故鞏城下豈當時水循岸至鞏城下乃入洛與京相璠謂黃亭在訾城北三里當有誤訾城在羅水入洛處去黃亭尙十餘里杜註謂黃亭在鞏西南是也而大事表又謂在鞏西北誤云實則大事表謂湟水卽皇乃并馬志劉注而言之非馬注原文謂洛水合於谿泉則又截去明谿泉一字而刪去逕鞏縣故城南一句使水流不相銜接最誤者易水經注之卽古湟水爲卽古皇水馬志劉注之以湟易春秋經之皇者謂名水



也杜注謂黃卽皇者以言亭也

又東北過鞏縣故城東康水東流注之

按杜工部集甫少時夢人令采文石於康水卽此水出  
今康店南溝

又東北水峪水東流注之

縣志水峪水出邙山在縣西二十里己酉志

又東北石子河西北流注之

明史地理志鞏縣有石子河流入洛水節錄己酉志

按石子河水出東西青龍山澗中有龍湫渟泓不流入  
夏水乃出故俗呼乾石河今名石河道

又東北過縣治北河水自南來北流注之卽市河水

水經注河水發南谿石泉世亦名之爲石泉水也京相

璠曰鞏東地名坎飲在河水東疑卽此水也又逕盤谷

塢東世又名之曰盤谷水司馬彪郡國志鞏有坎飲聚

春秋僖公二十四年王出及坎飲服虔亦以爲鞏東邑

名也晉太康地記晉書地道記並言在鞏西非也其水

又北入洛方輿紀要市河在鞏縣東源出青龍山流入

洛河南府志河水出東青龍山東石澗中下流至黃冶

北澗谷作八九盤迴其旁塢卽盤谷塢也己酉志

又東魏氏河北流注之

縣志魏氏河在縣東三里流入於洛己酉志

又東飲馬溝水自南來北流注之

方輿紀要飲馬溝在鞏縣東七里呂布軍虎牢飲馬於此

按飲馬溝水出西橫嶺下經魯村西北流入於洛方輿紀要以爲在鞏東七里卽今七里舖水峪溝也地猶名

飲馬溝己酉志

又東爲神堤渡

河南通志神堤渡在鞏縣東北己酉志

又東任村水自南來北流注之

方輿紀要元豐初范子淵議引洛入汴遣宋用臣等相視輿役自任村沙口至河陰縣瓦亭子達汴口接運河長五十一里兩岸爲堤長一百三里任村今名任村溝其水卽府志所謂任村溝水也己酉志

按北流注洛者係昔年情形洛至極東始入河也若在今日則任村水直接入河何至有注洛之文

又東北流入於河

按洛水入河處名曰洛口居民以之名村其地距縣城二十餘里

神尾山十餘里隋唐後故事殊夥如洛口倉洛口屯洛口城洛

口驛不勝枚舉古籍所言洛汭什谷均在此惟河流遷

徙靡常在昔黃河北流洛水東入至洛口村乃能入河  
爲汜水孟津之通衢故水經曰洛水北入於河又東北  
流入於河再言入河非複也蓋大河於上流分一枝與  
洛爲迎合流東下乃入大河爾時之形勢實然故山海  
經謂洛水成皋西入河也迨後河侵南岸古蹟盡湮神  
尾山下日夕澎湃有時撼山欲破此亦滄桑之常耳至  
酈注水經於洛水下雜引黃帝堯舜時代神話數則識  
緯家言不足徵信  
入羅諸水附

蒲池水

鞏縣志卷一

輿地 山川

二十七

經川圖書館刊

水經注羅水西北流蒲池水注之水出南蒲陂西北流  
合羅水謂之長羅川亦曰羅中也蓋胖子鄴羅之宿居  
故川得其名耳河南府志以注考之則今菩提寺水也

節錄已  
酉志

凌溝村南有蒲池在蒲陂下池大丈餘水石孔湧出可  
溉田兩頃餘西北流八里至夾津口入羅川

采訪

白馬谿水

水經注羅水又西北白馬谿水注之水出嵩山北麓逕  
白馬塢東而北入羅水河南府志以注考之則今羅漢

寺水也

節錄已  
酉志

羅漢寺有谿名白馬谿可溉田數十畝北流里許與郜溝硯溪合硯溪溉田少許又北二里餘與申家谷申溪合申溪有溫泉亦溉田數十畝溪旁設水磨數處又北至夾津口入羅川

采訪

### 附硯溪水

水出郜家谷舊無名以產石可琢硯故呼硯溪其流細微去申溪約二里

采訪

### 附申溪水

細流與硯溪埒以出申家谷故名

采訪

### 曰桐澗水

鞏縣志卷一

輿地 山川

二十八

經川圖書館刊

水經注羅水西北流白桐澗水注之水出嵩麓桐溪河南府志以注考之則今車園水也

節錄己酉志

車園水上游爲聖水北流至李家壩又北過西作村羽

林莊入羅川

采訪

### 九山溪水

水經注羅水北流逕九山東又北九山溪水入焉水出百稱山東谷河南府志以注考之則今搖嶺水也

節錄己酉志

搖嶺水上游爲牛頂坡東北流逕宋壩至李家壩合車

園水北流入羅川

采訪

諸山泉附

温泉

括地志即鄆溪出洛州鞏縣西南五十八里

温泉

在申溝即申溪之源冬日微温名不甚著采訪

醴泉

在縣西北十五里醴泉村舊名土地廟溝溝深二里許

有泉湧出味甘俗名爲醴泉采訪

甘泉

在縣東南核桃園東依浮戲山有小溪名甘溪溪之源

鞏縣志卷一

輿地 山川

二十九

經川圖書館刊

名甘泉

采訪

牛鼻泉

在核桃園村西二里夏月霖雨水從石孔亂流采訪

石崖泉

在涉村南二里許高石崖下采訪

長泉

在涉村高石崖北冬夏不竭采訪

湧泉

在滑城河北里許桑家溝南里許休水中間居民借以

灌溉采訪

湧泉

在涉村東南山中湧泉村訪采

羅泉

在嬰梁山後羅泉村訪采

輝老坡泉

在牛山東巔產魚草訪采

柳坡泉

亦在牛山東巔山下數里訪采

菡萏泉

在縣南竹林寺前泉水澄澈宜種菡萏故名旱澇水不

鞏縣志卷一

輿地 山川

三十

經川圖書館刊

增減乙丑志

柴家泉

在防郭保石崖間居民引注灌田乙丑志

羅漢泉

在羅口保羅漢院西南百步乙丑志

西流泉

在羅口保水出亂石之麓西至嘉村乙丑志

澗水泉

在羅口保村麓之間水勢浩蕩旋繞崖河下至涉村乙丑志

志

菩池泉

在羅口保 乙丑志

明谿泉

見明谿水條即明谿水之源 乙丑志

石泉

在縣東南十里圪墾峪 乙丑志

柳泉

在洛口正南旱不涸澇不溢 乙丑志

菩薩泉

在岳家寨山半下流入駐駕河 乙丑志

鞏縣志卷一

輿地山川

三十一

經川圖書館刊

石臼泉

在縣東南五十里雙樓村南先賢程子華隱居處泉底有石徑七八尺中凹若臼水湧凹出深丈餘故藉以名

泉 采訪

楊泉

在嬰梁山南麓大如斗深可三尺周圍皆天然石砌涓涓注石窪下流數十步旱澇不增減以近村多楊姓因

以名泉 采訪

白衣泉

在嬰梁山磨石窪東深數尺淙澇外洩 采訪

白龍池

在裴家峪靈山寺北六十步其地為泉源除一大泉外  
餘多小泉任掘其地便有水出遇旱農人桔槔灌田

采訪

黑龍池

亦在靈山寺北約二十餘步匯水成池不向外流

采訪

小龍池

在縣東玉仙山內

乙丑志

小龍池

在縣西北二十五里小龍廟溝

采訪

黑水池

鞏縣志卷一

輿地 山川

三十二

經川圖書館刊

在縣南慈雲寺旁

乙丑志

蓮花池

在羅口保廣二十畝宋人種蓮處

采訪

按姜溝有獻花池今已湮塞疑即蓮花池之訛

五龍池

在縣西北窟頭村龍王廟前俗名五龍溪

采訪

黑龍潭

在縣東南二十里前有玄君廟

采訪

韓谿潭

在牛山南麓東谷中兩崖峭立水潑而不流

采訪



石砦門瀑布

泉在懸崖峭壁中乃瀑布之小者其底多升水石可作

玩具  
採訪

鞏縣志卷一

輿地  
山川

三十三

經川圖書館刊